



ル 5
3386
45



門 几 5
號 3386
卷 45

輿地紀勝
卷之五
十二卷

早稻田大學圖書館
昭和 28.9.8 入
藏 書

序

文選樓影宋鈔本輿地紀勝張氏鑑所校頗詳岑君

紹周建功重刻此書延文淇及子毓崧纂輯校勘記

成書五十二卷於張氏之說採錄無遺其是者則加

以引申嘉興府人物門陸抗注云字紡節張氏云紡

人物門有吳俶張氏按三國志陸抗傳正作幼鎮江府

所言事跡及宋史東都事略證之張說是也其非

者則加以駁正安吉州人物門徐氏注云弟齊聘聘

上文有唐徐聘據唐書徐齊聘傳聘上當有齊字張

氏反欲改齊為徐非也江府人物門顧少連注云

按唐書顧少連傳正作歡不歡似當作勸也其有疑

者則為之剖析臨安府景物上杭印注云白樂天詩

序云余去年脫杭印張氏云杭印一



輿地紀勝校勘記

序

一

瞿盈齋

條不可通似有脫誤今按樂天集此句下云今年佩蘇印蓋言先為杭州刺史後為蘇州刺史杭印蘇印即二州刺史之印非有脫誤也安吉州人物門劉述注云貶琦顛監當張氏云監當二字疑誤今按東都事略劉述傳正作監當蓋監當乃宋時監稅之稱非有誤也其未詳者則為之證明平江府官吏門鄧攸注云吳人歌之曰况如打五况乃統之誤統如者打鼓之音也臨江軍人物門謝舉廉注云後預上書邪等云張氏云邪字未解今按以東都事略及宋史考之徽宗時凡以熙甯元豐紹聖之政為非者皆目為上書邪等與元祐黨人相埒至南宋時槩與昭雪故預其列者其論之不定者則世以為榮此處邪字並非誤也

參考以折衷 紹興府古迹門秦望山注云其碑尚乃倒今按據上文此句係十道志之語下文碑記門秦望山碑注引十道志云其碑尚存此句乃字係衍文張氏前一其說之互岐者則援據以決斷揚州古迹門章武殿說是也

注云遣使奉安於逐州神御殿張氏云逐字誤滁州景物上原廟注云於是命工寫三聖御容癸亥遣使奉安於逐州神御殿而逐州立原廟張氏云前數卷中有逐州字疑其誤以此觀之逐其訓每耶今按兩條上文皆引通略云太祖擒皇甫暉于滁州太宗下劉繼元于并州真宗禦契丹于澶州宜立原廟三州以昭遺烈據此則逐州係指滌并澶三州而吳氏蘭言逐字不誤張氏後一說訓逐為每是也

修所加條記之語足與張說相輔則亟為搜羅 嘉興府縣沿革嘉興縣注云表以惡名曰囚拳張氏云觀第六頁景物由拳條作囚倦未知孰是吳氏云按寰宇記作囚倦

車氏持謙許氏瀚所校碑目之書皆與紀勝是也

有關則並為登載 顧氏千里序車氏所刻碑目云予據殘闕紀勝原書就所存之卷逐一讐校乃始補其脫者共若干行正其誤者幾不勝枚數上元車明經秋舫從子傳其副復屬其同邑友陳君仲虎覆勘再三以付築氏許氏跋鈔本碑目云此袁壽階傳鈔錢

竹汀校本以贈黃小松者也近有刻本其譌誤轉多須持此校之今按刻本與鈔本不同者甚多茲全載於校勘記中其是非其諸家按語所未及則核以羣書凡地志在紀勝以前者如元和志寰宇記九域志輿地廣記之類實紀勝所本在紀勝以後者如方輿勝覽多沿襲紀勝之說一統志方輿紀要每引用紀勝之文其詳略異同足資校訂以及史傳說部詩文集可以補脫正譌者並為條舉臚陳其未有顯據者則存以待考亦疑事毋質之義爾紀勝原書之體例最為謹嚴每卷分十有二門而亦時有增益故縣沿革之後間有載羈縻溪洞州縣城場者

柳州雅州黔州皆有羈縻

州邕州有溪洞州縣瀘州有樂共城融州有沛溪場樂善州亦有載監司宗司軍帥沿革者

福州泉州皆有監司宗司沿革鎮江府建康府江州鄂州上利州皆有監司軍帥沿革臨安府紹興府池州饒州隆興府撫州贛州真州泰州衡州常德府廣州韶州靜江府象州梧州建寧府嘉定府潼川府遂甯府資州重慶府興元府皆有監司沿革江陵府上金州皆有軍帥沿革今按嘉興府慶元府皆有市舶司安慶府有淮西提刑司蘄州有榷茶場和州有提舉司依全書之例各條之前皆有當有監司

風俗形勝之前有載歷代宮苑殿閣制度沿革一行

建康府在南宋時為陪都之地置行都留守故特設此一門亦猶臨安府在當時為行在所其宮闕殿等門皆他

四六之後有載續志攷訂境土故疆者

卷所無也

長甯軍修續志時象之為郡文學是皆因地制宜為故備述已所攷訂者列於卷末

此變通之法固非自紊其例也若夫縣沿革門或附

鎮茶陵軍縣鎮門載永安鎮霞陽鎮茶陵官吏門或

分上下或分牧守令佐臨安府鎮江府隆興府揚州

下官吏牧守為一門令佐為一門紹興府建康府

或附封建或附遷客避地寓客過客永州官吏門注

也潯州高州合州官吏門皆注云遷客附昭州官吏

門注云遷客避地附柳州官吏門注云遷客寓客附

過客德安府金州官吏注云寓客附藤州官吏注云遷客

烈女江陰仙釋門或附神徽州隨州福州邵武軍或

附神異廣德軍或附隱士滁州或改仙釋為道釋昌化

軍甯或有仙而無釋萬安碑記門或改稱碑碣建康或

改稱碑刻房或改稱記錄文長甯詩門或分上下揚

岳州峽州漢陽軍鄂州廣州靜江府梧州或分各類

潼川府興元府利州閬州洋州劍門關

揚州岳州峽州廣州詩各分上下之外揚州又有懷

古詩岳州又有岳陽樓詩洞庭湖青草湖詩君山詩

峽州又有楚塞樓詩廣州又有越王臺詩五羊菖蒲

澗仙詩峽山寺詩他如臨安府嘉興府等卷之詩不

分上下而別立門目者其類甚多若泉州洛陽橋詩

注云諸橋附則是分類之中仍有附錄更變例之尤

者古迹與仙釋或併為一門大安官吏與人物或併

為一門德慶府茂州大亦不過偶有參差未能畫一

於大體究無損也至於所載事跡有不合列於景物

者常州神君紹興府一邱二元皆當列於官吏瑞州

皆當列於人物建康府青溪姑有不合列於古迹者

南康軍窮神皆當列於仙釋

池州宋齊邱增賦當列於風俗形
 勝撫州杯山三聖當列於仙釋
 者信州龐籍楊億當列於人物
 南康軍五賢堂當列於古蹟常州豐稷賀州
 岳飛金州裴瑾季康張仲方皆當列於官吏
 列於仙釋者隆興府葛仙壇葛仙山王喬壇應聖宮
 武丁岡茶陵軍赤松壇彌勒山大
 悲山辰州鬼葬山皆當列於古蹟
 歙州折絹本末當列於風俗形勝
 澧州柿木成太平字當列於景物
 瓊州詩門引虞衡志翠尖且有前後重出者未盡刪
 浮半空當列於風俗形勝且有前後重出者未盡刪
 除嘉興府仙釋門有師夏氏又有寶安禪師有朱涇
 為重出無彼此互見者未盡符合
 疑餘仿此彼此互見者未盡符合
 詳見詩門今考詩門未載盧肇此詩建寧府風俗形
 勝門西山之爽注云見紫霞洲注今考景物下紫霞

洲注未言西山漳州景物上湯泉浮山注云見西江
 下景物下瑞泉堂注云見閩中道院下今考景物上
 西江注未言湯泉浮山風俗形勝門閩中道院注未
 言瑞泉堂瀘州景物下觀音巖注云詳見崇德廟記
 今考景物古迹仙釋碑記欵式懸殊者未盡更正
 等門皆未載崇德廟記欵式懸殊者未盡更正
 監司沿革提舉茶鹽常平司條下象之謹按云云衡
 州監司沿革荆湖南路提點刑獄司提舉常平茶鹽
 司條下皆有按國史云云金州軍帥沿革金州都統
 司條下朝野雜記云云俱係單行大字依全書之例
 當作雙行小字思州碑記門縉紳馮先生作夏總幹
 墓誌云云亦係單行大字車氏持謙云與通篇體例
 不符疑原時代錯雜者未盡清釐
 本有誤時代錯雜者未盡清釐
 官吏下陳渾上當有漢字虞翻上當有吳字房琯上
 當有唐字秦少游上當有國朝二字他皆仿此又按
 全書之例人物叙時代而仙釋不叙時代蓋仙釋之
 時代多荒邈難稽其可考者甚少故不復細為分析
 其有叙及時代者蓋沿地此則百密之一疎不無遺
 志之舊文未經刊削耳

憾自序所謂書品浩繁非一家所有隨假隨閱故編
 次之序未能盡歸律度者亦自覺其有未安耳然而
 校勘古人之書者當識其大綱而不必苛求小失今
 於細故之無關體要者第就初見發其凡俾由此可
 以類推而其餘則不復毛舉臨安府風俗形勝門兩
 引白樂天冷泉亭記其
 中未間以它篇依全書之例次條當言同上而亦重
 述人名題目者蓋刪掇地志舊文未及審覈耳又景
 物上上湖下湖注云餘杭縣南五里有——西二里
 有下湖依全書之例注中下湖二字亦當作——此
 蓋編輯時偶失檢耳後凡以免繁瑣之弊焉
 類是者當以此意求之

道光丁未十二月儀徵劉文淇識

輿地紀勝校勘記目錄

卷一

兩浙西路 行在所 臨安府 嘉興府 安吉

卷二

兩浙西路 平江府 江陰軍 常州 鎮江府 嚴州

卷三

兩浙東路 紹興府 慶元府 台州 溫州 處州 衢州 婺州 衢州 關

卷四

江南東路 建康府 太平州 甯國府 徽州

卷五

江南東路

信州 康軍

池州

饒州

廣德軍

南

卷六

江南西路

隆興府 州

瑞州

袁州

撫州

江

卷七

江南西路

吉州 建昌軍

贛州

興國軍

臨江軍

南安軍

卷八

淮南東路

揚州

眞州

楚州

泰州

卷九

淮南東路

通州

滁州

高郵軍

盱眙軍

卷十

淮南西路

廬州

安慶府

卷十一

淮南西路

蘄州 關

和州 無爲軍 關

黃州

濠州

光州

安豐軍 關

卷十二

荆湖南路

潭州 關 州

衡州

永州

郴州

道

卷十三

荆湖南路

寶慶府 茶陵軍

全州

桂陽軍

武岡軍

卷十四

荆湖北路

江陵府上 鄂州下

江陵府下

鄂州上

卷十五

荆湖北路 常德府 岳州 澧州

卷十六

荆湖北路 沅州 靖州 峽州 歸州 辰州

卷十七

荆湖北路 復州 德安府 荆門軍 漢陽軍
信陽軍 壽昌軍

卷十八

京西南路 襄陽府 隨州 郢州

卷十九

京西南路 均州 房州 光化軍 棗陽軍

卷二十

廣南東路 廣州 韶州 循州

卷二十一

廣南東路 連州 南雄州 封州

卷二十二

廣南東路 英德府 肇慶府 新州

卷二十三

廣南東路 南恩州 惠州 潮州 德慶府
梅州

卷二十四

廣南西路 靜江府 容州

卷二十五

廣南西路

象州

邕州

昭州

梧州

卷二十六

廣南西路

藤州

潯州

貴州

柳州

卷二十七

廣南西路

橫州

融州

賓州

化州

高州

卷二十八

廣南西路

雷州

欽州

廉州

鬱林州

卷二十九

廣南西路

宜州

賀州

瓊州

卷三十

廣南西路

昌化軍

萬安軍

吉陽軍

卷三十一

福建路

福州

建甯府

卷三十二

福建路

泉州

漳州

汀州

卷三十三

福建路

南劍州

邵武軍

興化軍

卷三十四

成都府路

成都府

上關

成都府

下關

崇慶

眉州關

彭州關

邛州關

黎州關

簡州

卷三十五

成都府路

雅州 威州 茂州

卷三十六

成都府路

隆州 永康軍 石泉軍

卷三十七

潼川府路

瀘州 潼川府

卷三十八

潼川府路

遂甯府 順慶府

卷三十九

潼川府路

資州 普州

卷四十

潼川府路

合州 榮州

卷四十一

潼川府路

昌州 渠州 敘州

卷四十二

潼川府路

懷安軍 廣安軍

卷四十三

潼川府路

長甯軍 富順監

卷四十四

夔州路

夔州關 開州關 施州關 達州關
珍州關 忠州關 涪州 重慶府

卷四十五

夔州路 黔州 萬州

卷四十六

夔州路 思州 梁山軍

卷四十七

夔州路 南平軍 大甯監 雲安軍

卷四十八

利東路 興元府 利州

卷四十九

利東路 閬州 隆慶府

卷五十

利東路 巴州 蓬州

卷五十一

利東路 金州 洋州

卷五十二

利東路 大安軍 劔門關

利西路 沔州關 階州關 成州關 西和州
鳳州關 文州關 龍州關 天
水軍關

Table with multiple empty columns and rows, likely a placeholder for a detailed table of contents or index.

輿地紀勝校勘記卷一

兩浙西路

卷一 行在所

行在所

為中興駐蹕之地 按下文引中興小歷云可移蹕
臨安府又云駐蹕建康又云至臨安府駐蹕則此
句蹕字亦當作蹕至於蹕字始見於字彙補注云
見釋典而於古書無徵蓋後出之俗字也下文云
州治駐蹕越州蹕字皆當作蹕

既已申固邊圉 按書禹貢西傾朱圉漢書地理志
所引圉作固注云圉讀與圉同此句之邊圉即邊

輿地紀勝卷之異文耳

宮闕殿

大內 茅屋才三楹 按說文云才艸木之初也據

此則才有初義故古人言才者與後人言纔相同

此句才三楹猶言纔三楹耳

德壽宮 係年錄云 按李心傳之書名繫年錄紀

勝引繫年錄者甚多此句係字乃繫字之誤下文

太學注待漏院注御營司注六部架閣庫注同文

館注引係年錄者仿此卷三官吏門洪皓注引系

年錄系字亦繫字之誤。有金林擒 按上文云

有古柏有荷花下文云有郁李有木犀所言皆係
花木則此句林擒當作林檎為是

宗廟

景靈宮 曹寶臣 按寶臣即曹瑋之字上文趙普

曹彬諸功臣並稱其名瑋為彬之子而獨稱其字

者避孝宗舊諱後凡稱曹瑋為曹寶者仿此

郊社

園壇、言者為南渡以來 按為當作謂

臺閣

國史院 紹興中秦檜以監修兼提舉二十六年五

月並命沈該万俟高二相始領焉 按以上下文
義考之領上當有分字

宮觀廟宇

顯應觀 則東漢 玉亦不同 按子玉即崔瑗
之字不稱名而 者避孝宗諱後凡稱崔瑗為
崔子玉者仿此

院

待漏院 於行宮南宮外 按下宮字當是門字之
誤

所

玉牒所 奉安於天禧殿聖相天尊大帝之西 按
宋代尊軒轅為聖祖天尊此句聖相當是聖祖之
誤

三衙

侍衛步軍司 見必執挺趨庭 按挺當作挺

館驛

都亭驛 大凡到闕朝見射射朝辭密賜 按上文
云赴玉津園燕射此句射射當是燕射之誤

卷二 臨安府

府沿革

守杭州 按此句以上原本闕三頁以下文所言及他卷之例推之當是臨安府沿革

縣沿革

錢塘縣 陳正明中置錢唐郡 按禎明本陳後主年號此作正明者避仁宗諱後凡改禎明為正明者仿此○又元和志引劉道真錢唐記云昔邑境逼近江流 按元和志二十作昔州境逼近海縣五此句遍字當是逼字之誤

於潛縣 闕駟十二州志 按闕駟之書係十三州志此句三字乃二字之誤

鹽官縣 正觀四年 按貞觀乃唐太宗年號此作

正觀者避仁宗嫌名後凡改貞觀為正觀者仿此 風俗形勝

白樂天冷泉亭記 按上下文兩引白樂天冷泉亭記其中未間以它篇於例當言同上而此重述者蓋刪掇地志舊文未及審覈耳後凡類是者當以此意求之

抗於吳為一都會 按吳下當有越字

景物上

鼇亭 唐正元初 按貞元乃德宗年號此作正元

者避仁宗嫌名後凡改貞元爲正元者仿此○縣
合盧鵬創亭 張氏鑑云宋本作鵬影抄者誤作
鵬然鵬字似不宜爲名姑俟考

上湖下湖 餘杭縣南五里有——西二里有下湖
按以全書之例推之下湖亦當作——此蓋編
輯時偶失檢耳後凡類是者當以此意求之

西湖 出北山達於大拂頭 按方輿勝覽卷一蘇公
隄注拂作佛是也

西巖 洞有水一日潮再至 一統志一百七十三洞有
作其○與江潮候相應 一統志江作海無候字

○白樂天詩云 一統志作白居易詩

杭印 白樂天詩序云余去年脫杭印 張氏鑑云
杭印一條不可通似有脫誤 按以樂天集考之
此句下云今年佩蘇印蓋言先爲蘇州刺史後爲
杭州刺史杭印蘇印卽二州刺史之印非有脫誤
也

吳山 寰宇記云有吳山泉在吳山北寒泉 按寰
宇記九十下泉字下有逆溢二字是也

浙江 浙江出黟縣南率中 張氏鑑云黟疑是黟
之誤 按據上文此句係山海經注之文今本正

作黠與張說合率作蠻下同○取其曲浙為名

按浙當作折

海潮 故所以一日午時 張氏鑑云故所故字當

作此字

物下

虛白堂 羅隱虛白堂牡丹詩云莫背闌竿便相笑

張氏鑑云竿字乃宋本原誤

四照閣 羣山繞湖 百里 張氏鑑云十疑千之

誤○碧筍四插明鏡緣 張氏鑑云緣疑綠之誤

上天 往上天竺焚香是以為例 按方輿勝覽

是作因是也

九里第 文臺為作一一一以報之 按據上文此

句係寰宇記之文寰宇記上文有孫文臺徵時之

語紀勝所引既有刪節則此句文上當補孫字

又按寰宇記報作貺

百尺浦 越王起百丈樓於浦上以 海因名 張

氏鑑云 尺浦尺字與注中文字疑有一誤

衣錦山 蘇軾詩云應笑武都山下土枉教明鏡徇

佳人 張氏鑑云徇字疑有誤 按蘇集徇作殉

是也

石鏡山 如鏡之鑑物 張氏鑑云物當作物宋本已誤

石屋洞 有石屋同 按同當作洞

江漲橋 東坡杭州故人信吾齊安詩云 按東坡

集吾作至是也

虎跑泉 在廣福金書院 張氏鑑云句疑有誤○

東坡有詩見後 按東坡集有虎跑泉詩下文詩

門有闕頁此詩未載當在闕頁之中

龍蛻洞 獲龍骨數檐 張氏鑑云檐當是檐宋本

原誤

楊梅塢 百韻有——詩 按下文總臨安府詩

注云錢塘百韻楊蟠作東南百韻王化基作此條

所言百韻當在二者之中

靈隱寺 本號稽留山又有女兒山 按據上文此

二句係寰宇記之文寰宇記又有作俗謂之

徑山寺 雪窗循兔元不死 按據上文此句係蘇

詩之語東坡集循作馴此作循者避理宗嫌名

陽陂湖 唐志在富陽正觀十二年縣令郝其開

按唐志其作某是也

仙姥岩 以千錢與餘杭姥求古酒 張氏鑑云古

字疑有誤 按據上文此句係神仙傳之語神仙傳及方輿勝覽引神仙傳古皆作沽是也○又郡有黎花酒 張氏鑑云黎當作黎

古迹

夢謝亭 按謝靈運晉時會稽人也出不宜子息

按據上文此二句係晏公類要之語方輿勝覽出作世是也

伍子胥廟 解劍以折漁父 按折當作祈○措國

疆盛 按疆當作彊

羅隱墓 丞相沈恭誌其墓 按下文碑記門恭作

崧

官吏上

袁仁敬 詔諸王御史以上 張氏 通鑑御

上當有及字

沈文通 名犯高宗廟諱以字行 按高宗諱構沈文通名邁此以字行者蓋避嫌名而追改也

官吏下

陳渾 按全書之例官吏皆序時代此條注云後漢熹平間為餘杭令則陳渾上當有漢字

虞翻 按虞上當有吳字

房瑄 按房上當有唐字

羅隱 說吳王鏐 按吳下當有越字○乃梁正明

三年 按貞明乃後梁末帝年號此作正明者避

仁宗嫌名後凡改貞明為正明者仿此

秦少游 按秦上當有國朝二字

毛滂 澤民為法曹掾 張氏鑑云掾當作掾

人物

褚遂良 魏證白見遂良 按魏證即魏徵此作魏

證者避仁宗嫌名後凡改魏徵為魏證者仿此

錢鏐 石監山曰衣錦山 張氏鑑云監當作鑑或

鏡徑 按上文景物下有石鏡山注中引唐志有
石徑山之名張說本此

錢惟演 任至使相 按任當作仕

潘閬 得之遂囊其骨以歸吳中 按上文云逍遙

與道士馮德之居錢塘疑此句得之當作德之

徐復 賜冲晦處士 按上文林逋注云賜號和靖

先生此句賜下亦當有號字文義始明

盛度 仁宗時為參政樞度常家居圖書未嘗釋手

張氏鑑云據宋史樞下當有密字

仙釋

晉葛洪 按全書之例人物叙時代而仙釋不叙時代蓋仙釋之時代多荒邈難稽其可考者甚少故不復細為分析其有叙及時代者蓋沿地志之舊文未經刊削耳後凡類是者當以此意求之

傅大士骨 為善慧曰我昔嘗與汝於毗婆尸佛所

發誓願 張氏鑑云為當作謂

通慧大師 太平興國入見 按太平興國乃太宗

年號國下當有脫字○奉詔撰太宗高僧傳三十

卷 按太宗當在詔撰之上

辯才法師 沒而蘇轍撰碑蘇轍書 張氏鑑云下

轍字疑是軾字之誤

能萬卷 生常竊笑之 按下文言諸生者三此句

生字上當有諸字

碑記

隱士郭文碑 湖州刺史孫彭立 抄本輿地碑目

孫作孔

天竺靈隱二寺記 寺記陸鴻漸文僧遵式立 抄

本碑目僧上有又字 按此涉文字而衍

西湖石函記 唐史長慶四年白居易文 碑目無

史字 抄本有

說佛尊勝陀羅尼呪 碑目說佛作佛說抄本作說佛

唐龍興寺碑 盧季詢書 抄本碑目詢作恂

華嚴元覺法師碑 抄本碑目覺作覽 按下文有

元覽法師碑此碑褚廷誨書後一碑褚庭誨書庭

與廷覺與覽字形皆相近蓋本一碑而重出耳

阜亭神祠碑 抄本碑目脫碑字

唐徑山禪師碑 崔元翰李吉甫詞 抄本碑目翰

作翰李作季誤

前縣令李復碑 秘書郎蔣志文 抄本碑目蔣作

卽誤

唐嵩嶽大師影堂記 抄本碑目大作太誤

淨明院功業碑 錢肅王書 碑目肅上有武字抄本

無

吳越王庄祠碑 孝淇撰 抄本碑目淇作洪

錢塘龍王廟碑 錢塘有湖廣潤龍王廟 碑目湖

作胡抄本無有字

觀音尊聖幢 抄本碑目聖作勝

貢院前橋柱 歲在辛卯造 碑目歲在卯下抄本與紀

勝同 ○ 次年戊辰乃自稱年號曰天寶元年則天寶

元年辛未乃梁之乾化元年也 抄本碑目元年

作四載 按戊辰爲元年則辛未當是四年上文
云時天寶四年歲次辛未則元年辛未必四年辛
未之誤惟唐之天寶自三年以後稱載而吳越之
天寶未間稱載不必改年字爲載矣

杜太師稜築城記 在新城縣 碑目無縣字抄本有

龍興寺華嚴經社石記 碑目社作柱 抄本碑目

無社字記作紀誤

元覽法師碑 以開元二十三年 抄本碑目三作

五

總臨安府詩

餘杭十絕 有石詩在靈隱寺 張氏鑑云石下疑

脫刻字

餘杭形勝世 按此下原本闕一頁據方輿勝覽引

白居易詩餘杭形勝世間無州傍青山縣枕湖云

云紀勝所載疑卽此詩

深方 按此上原本闕一頁據方輿勝覽引方干旅

次錢塘詩此地似鄉國堪爲終日吟雲藏伍相廟

樹引越山禽潮去海人散鐘遲秋寺深云云紀勝

所載疑卽此詩

繚繞峯巒浮野色參差樓閣起晴煙潮光 按此下

原本闕一頁

潮東行不足綠楊陰裏白沙隄同

按此上原本闕

一頁

潘閬億餘杭詩 按億當作憶

跬步成契闊□□ 按此下原本空兩格蓋脫去撰人

環佩空□桃花源 按據上文此句係蘇詩東坡集

空格是響字

蘇軾書林逋詩後家 張氏鑑云注中家字疑誤

按東坡集此題無家字當是衍文

祇應天下有此景人間雖有難與同 張氏鑑云下

當作上

潮詩

江出正來潮 張氏鑑云出字疑誤 按據下注此

句係張祐詩出字乃白字之誤

劉文房送人攝椽 張氏鑑云椽疑是篆之誤 按

唐時尚未稱攝職為攝篆此句椽字當是掾字之

誤

更看銀山二十面蘇軾 按東坡集面作回與來堆為

韻作面者傳寫之誤

萬人鼓躡懾吳儂猶似浮江小阿童蘇軾 按東坡集

躡作噪是也

涼翻簾幌潮聲過清入琴聲樽雨來 張氏鑑云清

入句疑有誤

四六

閭閻舊俗 按閭當在閭上

卷三 嘉興府

府沿革

及定公元年越及吳平 按以上下文及左傳考之

定字當是哀字之誤

吳文穆王元瓘 按吳下脫越字下文風俗形勝門

吳文穆王吳下亦脫越字

縣沿革

嘉興縣 表以惡名曰囚拳 張氏鑑云觀第六頁

景物條由拳作囚倦未知孰是 吳氏蘭修云按

寰宇記作囚倦是也 按寰宇記 九十五云秦始皇

見其山有王氣出使諸囚合死者來鑿此山其囚
倦並逃走因號為囚倦山因置囚倦縣吳說得之

風俗形勝

父老傳正吳越分疆之地 按傳上疑有脫字下文

景物下永新鄉注與此條同亦疑有脫字

景物上

崑山 在華亭縣西二十三里 一統志四十四西下

有北字里下有長谷之東四字○因生機雲皆負

辭學 一統志作機雲兄弟皆有辭學○人以玉

出崑岡 一統志以下有爲字○因而名焉 一

統志作故名

柘湖 有山生柘故名 一統志山上有小字柘下

有樹字

石魚 許尚百韻有詩 張氏鑑云韻當作詠 按

下文百韻詩注云張堯同及許尚皆有嘉禾百詠

詩張氏蓋據此而言

景物下

橫雲山 唐天寶六年改名 一統志年作載

天星湖 舊傳亦係秦始皇掘地爲冰之所水草不

生 張氏鑑云爲疑藏之誤

唳鶴亭 此事恐在晉書陸機曰華亭鶴唳可得聞

乎 張氏鑑云恐字疑誤

思魯堂 以魯簡肅公宗道作邑於此 一統志百一

七十 邑作宰

細林山 天寶六年改名 一統志四十四年作載

陸寶山 本陸氏山 一統志山上有家字

金城山 一統志城在山下 按注云昔周康王東

遊鎮大海遂築此以為名則城字當在山字之下

曰龍洞 下通殿山湖 一統志殿作澱

金魚池 得金鯽魚於此 一統志一百七十五無魚字

鹿苑寺 初宰此邑 一統志此作是○後竟大

政位矣 一統志作後果參大政

秦望山 又九州要云 張氏鑑云要下當有記字

學繡堰 舊傳西施學繡於此故名今名一一訛也

張氏鑑云注中一一疑有誤

福嚴院 賜真覺大師志添金環磨衲袈裟一條

張氏鑑云志添二字疑有誤

淨土院 在嘉興縣三十六里 張氏鑑云縣下有

脫字

棲真觀 二蹇子虔水 張氏鑑云蹇當作屨

演教院 遂為施水菴 張氏鑑云水字疑誤

將軍堰 晉左將軍袁崧置此 一統志四十崧作

山松

古迹

由拳縣 其囚倦並逃去因號為囚倦山因置囚權

縣 張氏鑑云觀此則倦又作權 吳氏蘭修云
寰宇記與此說同彼正作倦 按說詳上文縣沿
革

晉何后宅 晉何準居焉 一統志一百七十五焉作此

○乃生女 一統志乃作準適○他日復夜啼

一統志無夜字○乃穆帝立準女為后之日也

一統志無準字也字

顧野王讀書堆 海鹽縣東有顧亭林 按下文引

東坡顧林亭詩此句亭字當在林字之下

官吏

唐蘇籥 在官簡志 張氏鑑云簡志二字疑有誤

唐李鐸 按上文蘇籥上有唐字此處唐字當是衍

文

周顥 按周彥倫係齊人其初隱北山旋官海鹽令

則在宋時周上當補宋字移至上文唐蘇籥之前

宋昭年 宣和二年盜發叢州之淳安 按宋宣和

初年淳安屬睦州此句叢字乃睦字之誤

唐堯封 奉詔舉秀州教授—— 按授下仍當有

一蓋——即唐堯封三字也

洪皓 公遣吏鎖津柵 按以上下文推之公當作

皓

人物

陸抗 字紡節 張氏鑑云紡當作幼 按三國志

陸抗傳正作幼○策之外孫也 按策上當有孫

字

陳顧野王 顧林亭野王所居也顧野王梁大同中

為黃門侍郎 按下顧字係衍文

唐徐岱 觀察使李栖均欽其賢 張氏鑑云均當

作筠 按改筠為均者避理宗諱後凡改李栖筠

為李栖均者仿此

邱為 不可在喪為異 張氏鑑云在上疑脫以字

陸贄 後為裴延陵所讒 張氏鑑云陵當作齡

按以新舊唐書通鑑及宣公集考之張說是也○

則宣公疑華亭居 按居當在華上

仙釋

師夏氏 張氏 師夏氏當作寶安禪師下寶安

條當刪 按注云自寶安禪師住北岳五臺觀親

運土石以立之師夏氏蘇州常熟人壽八百一十

八歲下文寶安禪師注云蘇州常熟人住五臺院

壽八百一十八歲兩條事跡全同其為重出無疑

至於注中師夏氏之語蓋謂禪師姓夏氏非此僧以師夏為號也正文自當作寶安禪師不當作師夏氏張說是也○深 宋旨 按宋當作宗

船子和尚 華亭———— 按上文朱涇船子禪

師注云華亭人與此條所記地名僧名皆同顯係一僧而前後重出惟此條載其自作之偈上條載張天覺所作之詩事跡尚不複耳

碑記

秦始皇碑 九州要云 碑目要下有記字是也抄本
無 ○在嘉興縣 碑目縣下有地字

六里山石刻 日惟壬寅朔 抄本碑目壬寅二字

係空格 ○石簣神遺忽自開發 碑目簣作簣遺

字係空格 抄本碑目簣作簣 張氏鑑云遺當

作匱 按類篇集韻訓簣為箱類與匱義相近張

說得之 ○拾得青玉璽蔣文 碑目蔣作篆是也

○吳直皇帝 碑目直作真是也

秀道者塔碑 今有塔銘存焉 碑目存作在抄本

周氏墓碑 海鹽縣齊景鄉 碑目無縣字抄本

齊景公廟碑 在海鹽縣齊景鄉 抄本碑目鄉下

有也字 ○海鹽縣齊景鄉 抄本碑目景下有公

字

曹史君廟記 張氏鑑云史當作使下文高史君廟
記史亦當作使

寶雲寺碑 碑目寶作法○新勅清雲禪院記 碑

目清作法○二僧夢云 碑目二作一抄本○明

旦求之 碑目旦作早抄本○慶曆六年記云

抄本碑目六作大誤

天慶觀碑 掘得二小石刻其一北極殿記知州宋

坦雍熙三年記并銘解九臯擬徐鉉茅山許長史

并銘爲之 碑目其一至并銘在爲之下抄本與紀勝同

按以文義核之當從碑目爲長

石篆書三十六字 張氏鑑云六當作八 碑目六

作八抄本 車氏持謙云此碑疑卽六里山石刻

因係原文不敢輒改故仍之 按上文六里山石

刻注云在海鹽刻云天冊元年此條注云吳歸命

侯天冊元年刻在海鹽之六里鄉時地皆同其爲

一碑無疑上條載其全文確係三十八字則此條

六字必八字之誤無疑張氏車氏之說皆是也

開元宮梁朝繪七寶上帝像 乾道中開齋堂掘得

二小石刻其一北極殿記知州宋坦記 抄本碑

目齋作齊坦作垣 按此事已見上文天慶觀碑
條下亦係重出

嘉禾志并詩 郡守張元成序 抄本碑目成作城
雲間志 華亭令楊借編 碑目借作潛抄本作借

詩

陽文公大年寄劉秀州 按方輿勝覽卷三陽作楊是
也

張伯玉詩越假道題月波樓贈令狐史君 張氏鑑
云越與史皆當作使 今而何處不荒蕪 張氏鑑云今而當作而今

四六

擬作 按但言擬作不著姓名

卷四 安吉州

州沿革

秦始皇滅越徙越人於此 張氏鑑云徙字下宋本
空一字

亦為故障郡之地 按史記漢書有鄣郡無障郡此
條注引杜佑通典云鄣吳興郡之西境則障郡必
鄣郡之誤

按三國志朱育對濮陽興云 按朱育之對濮陽興

見三國志虞翻傳注此句志字下有注字

令吳郡陽羨永安餘杭臨水 張氏鑑云令當作今

風俗形勝

雷澤在州東三十二里一名笠澤一名具區藪 按

雷當作震

黥歛之遺愛尚在 張氏鑑云在當作存

時學者方尚辭章而湖學猶以經義時務聞 按猶

當作獨

吳興新錄 張氏鑑云新錄疑雜錄之訛 按下條

卞山峻極注引吳興雜錄下文碑記門有吳興雜

錄無吳興新錄張說是也

非清秋爽月不見其頂 張氏鑑云觀下一條注云

非清秋爽氣不見其頂則此條爽月似當作爽氣

○常有黃氣紫雲居者 按此句疑有脫誤

張元之吳興山墟銘云 張氏鑑云銘似當作名

按下文景物上顧渚金山等條注亦引山墟名張

說是也○徐陵李義寺碑云 張氏 李義當

作孝義 按下條注正作孝義寺 物上

卞山條注亦然張說是也

成韻海鏡元五百卷 張氏鑑云鏡元似當作鏡源

後亦作鑑源三百六十卷 按唐書藝文志亦作
韻海鏡源張說是也

景物上

堯市 堯市人稀紫荀多 張氏鑑云荀當作筍

卞山 周處風土記云 張氏鑑云處字宋本脫去

封山 元和志云卽家語謂封嶠之山防風氏之國

也 按元和志二十五謂作云是也

銅山 括地志云口採鄣山之銅 按寰宇記九十

引括地志空格係吳字

桂棚 見杼山下 按下文杼山注云昔夏后杼南

遊之所則杼當作杼影寫者因形似而致訛耳

杼山 於此撰韻海鏡元 按元當作源說詳上文

風俗形勝

戍山 又梁太守張岷與州人御史中丞沈俊 按

據梁書張岷沈俊傳此句俊字乃俊字之訛

雷澤 卽舜漁於雷者是也 按雷下脫澤字

隱塢 梁陶洪景 按陶隱居名弘景此作洪景者

避宣祖諱後凡改陶弘景爲陶宏景者仿此

五湖 東連嘉興非一溪水 按以上文考之此句

乃虞仲翔川瀆記之語指太湖而言今檢卷三嘉

興府無非一溪而有韭溪注云虞仲翔川瀆記云
太湖東通嘉興韭溪水據此則此句非一兩字乃
韭字之誤

青山 張元之山墟云 張氏鑑云墟下脫名字

烏亭 在烏程之昇山 一統志之作縣○王羲之
所造 一統志所造作建

章浦 後果生章皇后 張氏鑑云章皇后係陳高
祖之后章上當補陳字

景物下

銷暑樓 滕宗諒上范文正公書詩岳陽樓記曰

張氏鑑云書詩二字疑有誤 按文正作岳陽樓

記係應滕宗諒之請此句詩字疑請字之誤

射雁堂 正撫然不樂 按撫當作憮

東林山 上有祇園寺頃有浮圖 張氏鑑云頃當

是頂 按下文祇園寺注正作頂

獨松嶺 張氏鑑云獨松宋本作獨杜不知何人以

墨筆改之 按注引繫年錄載宗弼之語證以宋

史正宗弼過獨松嶺之事改獨杜為獨松者是也

○元顏宗弼 按完顏乃金之國姓此作元顏者

避欽宗嫌名後凡改完顏為元顏者仿此

八聖寺 沈子真居宅 一統志沈上有梁節度使

四字○捨為寺 一統志作一夕堂下有八龍升

空遂捨為寺○武帝賜今名 一統志無今字

九乳山 在西南三十一里 張氏鑑云西南上有

脫字 按據方輿紀要九十一山在湖州府西南今

之湖州府即宋之安吉州此句西南之上疑脫州

字

飛雲山 寰宇記在長興二十里 按寰宇記長興

作縣西

明月峽 張文賴詩曰 按下文紫笋茶注云唐張

文規有詩焉疑此句文賴乃文規之誤

泛金溪 在歸安縣孔子吼寺 張氏鑑云孔當作

獅

龍目峴 寰宇記云在長興縣西北一百二里 張

氏鑑云二下似落十字 按寰宇記無十字

馬頭塢 詔遣西中郎將趙引 按上文考之此

句係寰宇記引晉書之語趙引作趙宏

黃龍洞 蘇軾有刻 張氏鑑云此句有脫誤

孝鵝墓 長離仰天號切 按寰宇記述孝鵝事云

長離仰天號絕此句離字必離字之誤

邸閣水 鱗甲極泳 按據上文此句係寰宇記之語極字乃涵字之誤

古迹

何氏書堂 山與道場山相接 一統志山與上有

何字

蘇公潭 蘇瓌子題為烏程尉 張氏鑑云題當作

頰

阮公溪 選為乘轉采女 張氏鑑云乘轉字未解

按據上文此句係寰宇記之語彼處無乘轉二字而此獨有之必衍文也

官吏

陸納 外曰宜裝幾船 按據晉書陸納傳曰當作

白

袁湛 按袁上當有宋字

張岱 按張上當有齊字

蔡搏 按蔡上當有梁字

顏真卿 著韻海鑑源三百六十卷 按鑑當作鏡

說詳上文風俗形勝

唐韋承慶 按韋承慶乃唐初之人于頔薛戎顏真卿皆在其後故姓名上加一唐字此條當移至上

文于頤之上

沈憲 按憲雖南齊人而其官烏程令則在宋時當移至上文袁湛之後下文劉秀之江秉之皆係宋人亦當仿此

孔琇之 按琇之係齊人當移至上文袁昂之後

文同 按同係宋人文上當補國朝二字

孫覺 其他刻畫皆刻於墨妙亭 張氏鑑云兩刻字有誤

趙屺 宣和爲德清令 張氏鑑云宣和下有脫字人物

裴子野 著諸侯略 張氏鑑云諸侯略疑宋略之誤

唐徐聘 按據唐書徐齊聘傳此句聘字上當有齊字下文徐氏注云弟齊聘是其明證

徐堅 張城人 按據唐書徐堅傳張當作長唐時湖州有長城縣無張城縣也

俞汝尚 御史員缺召至都以疾辟爲青州僉判致仕歸 張氏鑑云辟字當是辭字之訛

劉述 貶琦顓監當 張氏鑑云監當二字疑誤 按以上文考之此句係東都事略之語今考事略

劉述傳正作監當蓋監當乃宋時監稅之稱非有誤也

劉士英 自乙巳冬丙午秋城中食盡 張氏鑑云丙午上疑脫至字

葉夢得 築屋汴山 張氏鑑云汴字似當去水旁按上文景物上無汴山有卞山張說是也

劉燾 其時策問神宗實錄燾對曰秉史筆者權猶將也雖君命有所不受而况其他乎史筆為第一

張氏鑑云下史筆二字有誤

徐氏 按全書之例列女附人物之末仍各冠以朝

代此條徐上當有唐字○齊聃聃之子堅 張氏鑑云齊疑是徐之訛 按齊字不誤說詳上文

碑記

敕天下放生池碑 肅宗乾元二年 碑目二作三

抄本○池上之碑 抄本碑目脫池字

勅書褒戰功記 唐憲宗賜刺史辛泌 碑目泌作

抄本 祕 抄本 按以唐書辛祕傳及通鑑考之當從碑

目為是○及慰問將士詔書 碑目詔誤作諸 抄本

詔作

文宣王新廟碑 鄭言撰并書蓋記刺史令狐綯作

抄本碑目蓋字係空格

射堂記

碑石訛缺不可考

碑目訛作刊

抄本作刻

于祿字書碑二

乃楊漢公摹口其真本以訛缺遂

不復傳

碑目摹下不空格○尤為可惜也

碑

目無也字

抄本有

湖州石記

碑目石作碑

抄本作石

○蓋顏魯公書也

碑目無也字

抄本有

石柱碑

又斷碑二亦在皆顏真卿書

碑目在作

載無皆字

晉吳興太守謝公碑

僧道銑書

抄本碑目銑作

銳○大歷七年建

碑目七作五

抄本作七

太守厯官記

自晉王逸少泊陳任忠

張氏鑑云

泊當作泊

白蘋州五亭記

馬纘書

抄本碑目纘作纘

湖州紀功記

紀刺史辛泌平李錡也

碑目泌作

祕

抄本作泌

按作祕者是也說詳上文

吳文皇帝廟碑

碑目文作大

抄本作文

按大帝卽孫

權之諡吳時更無文帝當從碑目○唐安定中胡

季良撰大和立

碑目中在和下

抄本與紀勝同

袁高茶山述

高為刺史

碑目刺上有州字

抄本無州

字

胡夫人墓銘 於景休撰 碑目於作于

斷碑二 碑目斷上有唐字抄本無 ○干僧翰書 抄

本碑目干作于

唐大光和尚神異碑 碑目大作太下同抄本○在

烏程法華寺 碑目程下有縣字下同抄本無

唐丞相李紳墓碑 在烏程裏山 碑目裏山作山

裏 按上文古跡門李紳墓注云在烏程縣南裏

山碑目作山裏非是

唐吳興邱氏墓碑 在烏程縣西雪水鄉淋谷 碑

目無西字抄本有西字淋作林

唐古山素靖廟碑 在烏程本廟 碑目程下有縣

字抄本無

唐重置興國寺碑 抄本碑目置作買誤

唐永興寺冥道記 在歸安縣鹿苑寺咸通四年

碑目年下有立字抄本無

崔祐甫銘崔植誥 碑目崔祐上有唐字抄本無 ○崔

卽唐相祐甫之後 抄本碑目卽作郎誤

陳周宏報德寺碑 碑目宏下有正字是也

吳興雜錄 唐志張文槐撰 碑目槐作規抄本作槐

按唐志與碑目同

武康土地記

沈常撰

碑目撰作擬誤

抄本作撰

餘英志

慶元中進士劉瞳撰

碑目瞳作瞳

吳興詩

金大亮序

抄本碑目大作天序作月誤

吳興志舊編

教授周世楠撰

碑目楠作南

抄本作楠

詩

須對霜風渡泫然

張氏鑑云渡乃淚之誤

欲知歸路處葦外記風檣

東坡題賈莘老水閣

張氏鑑云賈

字似當作孫

按東坡集此詩係題城南縣尉水

亭另有過賈收水閣詩注云賈收字耘老與此書

作莘老者不同至於孫莘老水閣則蘇集無此題也

輿地紀勝校勘記卷一終

輿地紀勝校勘記卷一 兩浙西路

卷五 平江府

府沿革

象之切意是時吳王夫差喜越之賂 按切當作竊

越王無強伐楚 張氏鑑云強當作疆

寰宇記謂楚成王曾孫考烈王其相春申君黃歇凡

自淮北更封江東 張氏鑑云凡字疑有誤 按

寰宇記 九十一 凡作乃是也

南唐升為中吳軍節度 按注云輿地廣記及九域

志並云後唐升中吳軍節度此句南字疑後字之

輿地紀勝卷二 一 惟盈齋
誤蓋宋之平江府卽五代之蘇州其時爲吳越之地未嘗屬於南唐也吳越臣事中國故中吳軍之置或請命於後唐耳

縣沿革

長洲縣 寰宇記云吳大帝封長沙王果於此 按寰宇記無果字

崑山縣 輿地廣記云 按自此以下原本脫去六頁以他卷之例推之自各縣沿革以外尙有風俗形勝門及景物上之前半

景物上

可用巧鏤潔白如粉 按此條原本脫去標目下文云故亦曰白礮山又云吳越春秋云越王葬夫差於秦餘杭山卑猶蓋卽此山也景物下四飛山注云一名秦餘杭山一名陽山又云故亦名白礮山今考白礮山及秦餘杭山皆附見於注中四飛山又已別見疑此條之標目當是陽山 又按此條以前原本脫去六頁風俗形勝門全佚此門亦脫去前半據下文有景物下故知此門爲景物上耳
○故亦曰白礮山 按下文四飛山注礮作礮據廣韻集韻皆有礮礮二字其義則均指巧鏤之白

土而言故可通用

曲阿 張祐築室家焉 張氏鑑云祐當作祐

福山 步帥李捧嘗請斷吳江橋入 張氏鑑云入字疑誤

景物下

畫龍柱 畫龍渠渠其潤 張氏鑑云字書無渠字

渠渠當作漑漑漢字見上林賦及海賦水沸之貌也

四照亭 春海棠夏湖石秋芙蓉冬梅 張氏鑑云湖石疑湖目之誤湖目者蓮實之異名也

七檜堂 作此堂以佚老見其子清臣至大官 張

氏鑑云見字疑誤 按下文載范文正公詩有門中駟馬新之語則見字義本可通不必疑為誤字也

梧桐園 任助述異記曰 張氏鑑云助當作昉

洞庭山 白樂天詩云一隻畫船何處宿 張氏鑑云以卷末詩校之一隻當作十隻後舸字當作船

按以樂天集考之張說是也

彈鋏巷 有馮瑗宅卽彈長鋏而歌於孟嘗門下者 張氏鑑云瑗當作煖

鳳凰山 又長洲縣西北於北山掘得石鳳 按寰
宇記云長洲縣鳳凰山晉太康二年於此掘得石
鳳凰據此則於北山當是於此山之誤

虎邱山 白樂天題云東武邱寺怪石千僧坐靈池
一劍沉海當亭兩面山在寺中心白樂天詩云虎
邱月色為誰好娃宮花枝應夜開 張氏鑑云上
云字當移寺字下下云字上當有又字

四飛山 可用漫汗 張氏鑑云汗當作圻○故亦
名白塘山 按說詳上文景物上

百口橋 因以其居以名之 張氏鑑云下以字疑

衍文

古迹

吳王城 解舞細腰何處往能歌姹女逐千回千秋
萬古無消息國作荒原人作灰 張氏鑑云上千
字

辟疆 郡守贈詩有辟疆東晉日竹樹名園年代
多更主池塘復裔孫之句 張氏鑑云按樹下脫
一字

澹臺湖 在吳縣十八里 按據寰宇記吳縣下當
有南字

言偃宅

吳地記云宅有井有監洗石 張氏鑑云

寰宇記引吳地志云宅有聖井旁有盟盟北百步
有浣沙石監字盟字均疑有誤

龜蒙宅

與皮日休唱和號杜陵集 按據下文人

物門陸龜蒙注杜當作松

三高堂

季膺知袁晉之將亂 按膺當作鷹

昭靈侯廟

廟神乃唐曹王明太宗弟十四子也

張氏鑑云弟當作第

要離冢

九域志云在閩門南城 張氏鑑云閩乃

閩之誤

吳孫王墓

按陳壽志追封長沙威王 按三國志

孫策追封長沙桓王此作威王者避欽宗之諱後

凡改桓王為威王者仿此○壽志及裴松所補

按裴松下當有之字

將軍袁崧墓

在橫山二里 張氏鑑云橫山下有

脫字

官吏

鄧攸

吳人歌之曰况如打五鼓 張氏鑑云歌第

一字右缺似係况字然况如二字不可解 按據

晉書鄧攸傳况乃統之誤統如者打鼓之音也

楊發 按楊上當有唐字

王仲舒 不擾而辨 張氏鑑云辨當作辦○又仲

舒為天下政之最 張氏鑑云又當作故

白居易 三千石祿敢言貧 張氏鑑云三當作二

張長史 下筆愈奇嘗 張氏鑑云嘗字有誤

狄仁傑 新唐書仁傑傳文宗朝為蘇州刺史以治

最召擢為給事中 按據唐書狄兼謨傳由蘇州

刺史為給事中係兼謨事非仁傑事此條正文及

小注仁傑皆兼謨之誤

王贄 按自贄以下皆宋人贄上當有國朝二字

孫冕 新塗人 按臨江軍人物門孫冕注亦有此句空

人其官階事跡與此全同則新塗必新塗之誤也

○大書□詩於廳事之壁曰 張氏鑑云詩上宋

本原空 按臨江軍人物門孫冕注亦有此句空

格係一字

人物

范蠡 更憐夫子得西施 張氏鑑云予當作子

後漢陸績 歸舟取輕不可越海 張氏鑑云聖字

似有誤 按據唐書陸龜蒙傳取字乃裝字之誤

張翰 為吳王曹掾 張氏鑑云掾當作掾○季膺

真得水中仙 張氏鑑云膺當作鷹

陸長源 字詠 按舊唐書長源傳詠作泳之是也

歸崇敬 未至而哥舒亂廣州監察御史彈之請望

祀而還 張氏鑑云彈當作憚 按唐書歸崇敬

傳正作憚舒下有晃字

徐岱 李栖均敬其賢 張氏鑑云均當作筠 按

此亦避理宗諱

顧少連 元友直在坐歡解之 張氏鑑云歡似當

作勸 按唐書顧少連傳正作歡不必改為勸也

陸龜蒙 驚破王孫全彈丸 張氏鑑云全當作金

戴顓 按顓係劉宋時人戴上當補宋字移至上文

梁俚之前

吳孫奇妻范姬 姬採刀割耳及鼻曰 張氏鑑云

採字疑誤 按據御覽四百四十引列女傳採字乃操

字之誤

仙釋

梅福 福去妻子 按以漢書梅福傳考之當作福

棄妻子去

王遠 後漢中散大夫得道過吳——家 氏鑑

云此——當作蔡經二字

威靈丈人 張氏鑑云威靈似當作靈威 按上文

景物下靈寶經注正作靈威丈人張說是也○昔

吳王常命——張氏鑑云常當作嘗

丁令威 古迹門有丁令威 按古迹門作令威宅

錢忠道 全家衣食一輪竿 張氏鑑云輪當作綸

○遂以女妻忠 按忠下當有道字

晉支遁 見風俗門續志序下 按風俗門今佚

西土智積菩薩像 顯親崇報祥院 張氏鑑云祥

當作禪○有孫觀智菩薩殿記 張氏鑑云智下

當有積字

道元 續佛祖訖近世名臣禪語為傳燈傳三十卷

張氏鑑云臣字疑有誤

碑記

朱氏墓碣 自平始二年 碑目始在平上抄本與紀勝同

孟郊張祐留題 抄本碑目祐作祐誤○崑山古上

方 碑目崑作崑

畫龍記 唐李紳記 碑目無唐字

楞伽寺石記 在吳縣橫山下 碑目縣作興抄本作縣

按吳興乃安吉州舊名與平江府無涉當作吳

縣為是○旁有巨井石欄欄側有隋人記刻 碑

目二欄字皆作闌抄本作欄

興福寺記 在常熟縣西北九里唐寺記云 碑目

唐作塘抄本作唐 按下文云既是唐碑姑存之當以

唐字為是

寶積寺塔 碑目塔下有銘字抄本無

顏真卿虎邱詩刻 抄本碑目真作正○吳門有清

遠道士周恭子 碑目周作沈抄本作周 張氏鑑云

周當作沈○抑二千年來矣 碑目無抑字抄本有

寶花寺碑 子謂等 碑目謂作渴誤抄本作渭

春申君廟記 張氏鑑云春申君 碑與上城隍廟

碑疑卽一碑 按注云唐趙居正撰上文城隍廟

唐碑注云其初春申君也唐碑具在○以天寶十

載立在蘇州 碑目在作於抄本碑目載作年

皇甫湜顧況集序 鈎綿秀絕 全唐文六百八十六 鈎

綿作鈎號是也○唵鮮榮以為詞 張氏鑑云唵

字疑惣字之訛 按碑目唵作噓抄本作唵 全唐文唵

作煦○李松已死 碑目松作杜抄本作松 按全唐

文作李白杜甫已死

松江詩集 何接撰 碑目接作按抄本作按

輿地紀勝校勘記 卷二 九 瞿盈齋

琨山積瓊玉 按據注及上下文此句乃文選潘正

叔詩琨山係崐山之誤

遠水帶寒樹閭門望去州 張氏鑑云州當作舟

臺荒麋鹿爭新草空苑鳧鷖占淺沙可憐國破忠臣

死日月東流生白波許 張氏鑑云臺荒當作荒

臺沙當作莎方與波字為韻

錢起送陸贄擢弟還蘇州 張氏鑑云弟當作第

香徑難尋古蘚中 張氏鑑云古蘚當是苔蘚 按

據注此係姚合送劉禹錫赴蘇州詩原文係古字
不必改為蘚

陸世衡對晉武帝 張氏鑑云世當作士

五茸春草雉媒驕陸龜蒙詩五茸詩
王獵師茸各有名 張氏鑑云詩

當作吳王師當作所

謂問姑蘇何處所 張氏鑑云謂當作為

綠楊淺深巷 張氏鑑云淺深似當作深淺

見姚氏殘話 張氏鑑云殘當作叢

吳江大湖笠澤虹橋詩

岸傍高士陸龜蒙羌雁曾徵戀釣筒 張氏鑑云羌

雁乃羔雁之誤

巨區形勝甲江東 張氏鑑云巨當作具○石處雄

張氏鑑云處雄似當作處道

震澤雲浮天 張氏鑑云雲當作欲

却自姑蘇操小艇 張氏鑑云首句有欲自荆溪泛

太湖此句却自疑當作却向○范致君 張氏鑑

云致君疑當作致能

懷古詩

劔池石壁灰長洲芰荷香杜甫 按據杜集灰當作仄

楊乘吳中盡懷古 張氏鑑云盡字疑誤

溪月彎彎欲効噸 張氏鑑云効當作效

四六

則穎川河東 張氏鑑云穎當作穎○藝文類聚梁

子範表 張氏鑑云梁下當有蕭字

布政於五湖之外 張氏鑑云布政當作政布

卷六 常州

州沿革

吳公子季札之所居 張氏鑑云札當作札下同

則當從寰宇記謂毗立後置諱 張氏鑑云謂當作

為

宋明帝秦始二年 按宋明帝年號係秦始非秦始

秦字乃秦字之誤○而京口南徐專領於宗室而

袁標自據晉陵 張氏鑑云上而字有誤

尋陷于輔公柘 張氏鑑云柘皆當作柘 按以隋書唐書通鑑考之張說是也

縣沿革

晉陵縣 而隋改丹陵亦曰延陵 張氏鑑云丹陵當作丹陽

宜興縣 元和郡縣志云晉惠帝時妖賊石冰寇亂

楊土 張氏鑑云此楊字亦當作揚 按元和志

二十五 正作揚

風俗形勝

人性吉直 張氏鑑云吉字似誤 按據下注此句

係寰宇記之文寰宇記吉作質是也

更有杜牧之水榭李幼卿王潭 張氏鑑云王潭當

作玉潭 按下文景物下玉潭莊注云李幼卿有

別業在常州義興曰——張說是也

景物上

劔井 其略以謂胡文恭公為副樞修簡公為右丞

張氏鑑云謂當作為

荆溪 東至陽羨入海 一統志四十海作湖

神君 按神君之稱乃陳人以譽孔奐當在下文官

吏門孔奐注中不應在景物門內蓋編次之誤也

○孔奐字休文 張氏鑑云換當作奐 按以下
文官吏門及陳書證之張說是也

巨區 張氏鑑云巨當作具下凡云具區者皆同

景物下

五雲亭 唐刺史李栖均 張氏鑑云均當作筠凡

用栖筠名皆當作筠 按作均者皆避理宗諱

章浦亭 臧緒晉書云 按緒上當有榮字

南嶽山 故皓切取此義 按切當作竊

西蜀里 過三疊板 張氏鑑云板當作坂

小姑城 在武晉縣西南六十里 張氏鑑云晉當

作進

馬跡山 世傳秦王遊幸馬所踐 一統志王作皇

椿桂坊 太傅子曰宰曰宦曰宇同登大觀三年進

士第而曰守登崇寧二年進士第 張氏鑑云而

字疑衍

御亭驛 梁庾肩吾詩云御亭一面望國塵千里昏

卽此也 張氏鑑云國字疑誤 按寰宇記面作

回國作風是也

罨畫溪 瓊林花草間前語——山指後期 張

氏鑑云間當作聞

古迹

太伯瀆 元和八年孟簡所開 張氏鑑云簡當作簡後同 按據上文此句係唐志之語今考唐志簡正作簡張說是也

王祥宅 今即澄清觀 按即當在今上

張公洞 子隱風土記云 按子隱即周處之字子上當有周字

李公書堂 幼隸業于惠山龍鳳院 張氏鑑云隸當作肄

衛將軍廟 少游并汾□□□間遇神堯 張氏鑑

云宋本原空三字 按據上文此句係許渾集中之語今考渾集作二十七游并汾間遇神堯皇帝○洎擒竇建德逃挾太宗顧而奇之 張氏鑑云

挾字有訛 按許渾集逃挾作逃時挾鎗劍前突後翼○武牢開下護龍旗從槊彎弓馬上飛 按許渾集開作關從作挾是也

晉右軍將散騎常侍曹橫墓 按上文景物上橫山注云晉右將軍曹橫所葬下文碑記門有晉右將軍曹橫墓碑此句右軍將當作右將軍

官吏

王猛 富商野次云以付君 張氏鑑云以付君句

疑有誤 按據上文此係南史語今考南史王猛

傳附王准君上有王府二字是也

王安石 按自安石以下皆宋人王上當補國朝二

字

人物

唐蔣儼 儼奮曰云云儼遂請行 按舊唐書蔣儼

傳作儼謂人曰主上雄畧華夷畏威高麗小蕃豈

敢圖其使者縱其凌虐亦是吾死所也遂出請行

此處云云上當有數語傳寫者佚去耳

崔羣 舊史云羣隱居毗陵以節操聞韋夏卿薦羣

召拜左拾遺 按以舊唐書考之此係竇羣事非

崔羣事崔字必竇字之誤

薛登 屬宣州鐘大眼亂 張氏鑑云鐘當作鍾

按唐書薛登傳正作鍾張說是也

蔣乂 名以部分得差書二萬卷 按據下文此句

係唐書之語今考唐書蔣乂傳名字乃各字之誤

差字乃善字之誤

高智周 智周始與郝處俊來濟孫處約共依江都

石仲覽高智周使相工視之工語仲覽曰 張氏
鑑云高智周三字疑有誤 按據下文此數句係
唐書之語今考唐書高智周傳高智周三字乃仲
覽二字之誤

胡宗愈 爲尚書左丞 按據東都事略及宋史宗
愈官右丞非左丞上文景物上劍井注云修簡公
爲右丞修簡卽宗愈之謚此句左字乃右字之誤
也

大觀貢士 守二教官皆旌賞焉 按二當作貳指
郡之佐貳而言

碑記

陽羨山封禪碑 土人目曰困碑 碑目困作囷○
以其石圓八出如米廩云 抄本碑目八作入米
作未誤

隋陳司徒告身 果仁妻軫靜捨宅造寺 抄本碑
目寺下有疏字

吳國山碑 碑目吳作亦曰此條附於上文陽羨山
封禪碑注末 抄本與紀勝同 許氏瀚云抄本蓋誤分一
碑爲二碑一據雲麓漫鈔一據集古錄收入也此
本校併雖當而非真矣

善權寺詩靈巖瀑布記 鄭薰雪霽開講詩 抄本

碑目開作門誤

無錫銘 樵者於山下得銘云有錫兵天下爭無錫

雷天下清有錫珍天下弊無錫又天下濟 碑目

又作文 張氏鑑云風俗形勝門引古識云無錫

雷天下平無錫兵天下爭與此銘異似有一誤而

此條珍字亦似有誤 按寰宇記及方輿紀勝覽

卷五引古識並與風俗形勝門同惟無錫兵作有錫

又耳至於此條所引係銘詞與識詞各別不必強

合為一珍字義亦可通惟文字顯係誤字耳

唐東山亭記 韋夏卿 見東山亭下 抄本碑

曰亭作序誤 按上文景物下東五亭注云加置

四亭合而為五又云故有東山之號是東山亭即

東五亭也

唐李相家山碣 常隸業於此 張氏鑑云隸當作

肆 按碑目正作肆 抄本係空格 張說是也

詩

微度竹風涵浙瀝 張氏鑑云浙當作浙

四六

湖帶洞庭而橘苞充貢 張氏鑑云苞當作包

卷七 鎮江府

府沿革

元温常謂北府兵可用 張氏鑑云元當作桓 按作元者避欽宗諱後凡改桓温爲元温者仿此 又曾旼潤州集序云 張氏鑑云旼疑當作旼 按下文碑記類潤州集注云曾旼序風俗形勝門亦引曾旼潤州集序張說是也

風俗形勝

亘温常謂人曰云云 按作亘字亦避欽宗諱後凡改桓温爲亘温者仿此

知鎮江府劉甯止言見繫年錄 按方輿勝覽卷三作繫年錄知鎮江府劉甯上言云據此則止字乃上字之誤

景物上

金山 山前三島號石牌稱郭璞墓 一統志十四稱上有亦字

焦山 金焦二山 一統志作焦山與金山對峙○唐圖經云後漢焦光嘗隱此山 張氏鑑云光當作先 按方輿勝覽引唐圖經亦作焦光嘉定鎮江志引潤州類集舊經及皇甫謐逸士傳皆作焦

光又引魏書管甯傳及魏畧皆作焦先而云光先字畧相似據此則作光作先皆有所本當並存以俟考○蘇軾詩云——何有有修行 按東坡集行作竹是也

練塘 卽練湖也在丹陽城一里 按元和志二十五

云練湖在丹陽縣北百二十步寰宇記八九十上

有一字餘同此云在丹陽城一里疑有脫誤○饜

沃江淮 按據上文此句係李華練塘頌方輿勝

覽所引沃作飶唐文粹二十三全唐文三百十四饜沃作

厭飶

相瀆 南通鶴溪 一統志鶴上有白字

景物下

萬歲樓 後又改爲月觀 一統志無後字觀下有

紹興中常新之今故址尚存十一字

中泠泉 蘇軾遊金山詩中泠南畔石盤陀古來出

沒隨波濤 按陀與濤非韻東坡集波濤作濤波

是也

伏牛山 唐亦謂之伏牛山 一統志作亦謂之伏

牛山唐貢伏牛山銅器卽此

金牛山 唐陸龜齡詩 張氏鑑云齡當作蒙

京江水 在城北六里 一統志城北作府城西北
○杜□寄刁約詩云眼見京江更阻遊 張氏鑑
云杜下原本空一字

丁卯港 丁卯制可因以爲名 一統志作以丁卯
日制可因名○唐許渾有詩又有丁卯橋 一統
志作後人構橋其上唐許渾嘗築別墅於其側

古迹

慶封井 乃見於陸龜蒙斷綆沉碑之詩 張氏鑑
云碑當作餅 按上文引陸龜蒙詩曰今歌此井
示吳人斷綆沉餅自茲始張說是也

唐權德輿宅 結廬嘗占練湖春 一統志嘗作長
唐亘彥範墓 按改桓爲亘者避欽宗諱後凡改桓
彥範爲亘彥範者仿此

南唐沈彬墓 佳城今已開錐開不葬埋漆燈猶未
滅畱待沈彬來 張氏鑑云錐乃雖之誤 按至
順鎮江志正作雖張說是也

官吏上

唐齊澣 舟行繞瓜步四遠六十里 張氏鑑云四
遠二字疑有誤 按據上文此句係唐志之語以
唐志考之四字乃回字之誤

韓滉 聞京都未平乃築石頭五城以爲朝廷有永
嘉南走事然滉握彊兵而調發糧帛以濟朝廷者
襁屬 張氏鑑云南走事下似有缺 按以唐書
韓滉傳核之傳南走事下尚有數行以文義考之
當補置館第數十於石頭八字 又按唐書握彊
兵下尚有遷延不赴難五字紀勝刪去者以各卷
官吏人物門皆有譽無毀故節其語以爲滉諱耳
宋齊邱 按宋上當有南唐二字

官吏下

吳顧雍 鎮江甲志 張氏鑑云當作見鎮江志

晉商仲堪 張氏鑑云此書如桓作元亘殷作商之
類皆諱也 按作商者避宣祖諱後凡改殷仲堪
爲商仲堪者仿此 又按上文袁喬上已有晉字
此句商上晉字係衍文

齊謝朓 朓爲鎮北諮議將軍 按齊書南史朓傳
但言爲鎮北諮議無將軍二字疑此句將字乃參
字之訛蓋諮議本參軍之職也

梁江淹 爲南徐州從事 按淹雖梁人然其官南
徐州從事則在宋時梁當作宋移至上文齊謝朓
之前

梁沈疇之 按疇之係齊人非梁人上文謝朓上已有齊字此句上梁字須刪亦不必補齊字○復除丹陽令 按據南史循吏傳陽當作徒紀勝上文亦云爲丹徒令是其證也

程珣 祝珣右之珣弗爲撓 張氏鑑云祝疑當作祈 按張說是也 又按珣係宋人下文阮逸上國朝二字當移此句程字之上

人物

祖逖 按祖上當有晉字○爲奪威將軍 張氏鑑云奪當作奮 按晉書祖逖傳正作奮張說是也

徐廣 君爲晉朝佐命身是晉室遺老 按以通鑑考之上晉字乃宋字之誤

宋何承天 按上文檀道濟上已有宋字此句宋字當刪

吳俶 張氏鑑云俶當作淑 按以注中所言事跡及宋史東都事略證之張說是也

蘇頌 凡於書無所不讀朝廷有大制作與焉 張氏鑑云與上當有皆字

仙釋

茅盈茅固茅衷 咸陽大茅盈乘雲駕龍來茅山

張氏鑑云大疑當作人

謹母 吳猛許遠詣母請傳所得之道 按據上文
此句係太平廣記之語今考廣記_{六十}遠作遜當
從之

唐劉先生 又有道士商渙然者 按至順鎮江志
方外門有殷渙然無商渙然蓋紀勝避宣祖之諱
後凡改殷渙然為商渙然者仿此

元素 以謂州伯執喪師之禮 張氏鑑云謂當作
為

四世界 時出緣化 張氏鑑云緣化二字疑倒或

緣字訛 按至順鎮江志亦作化緣張氏前一說
是也

廣照師 以謂使服儒冠而立朝 張氏鑑云謂當
作為

法融師 雙峰信公過江顧錫曰 張氏鑑云顧錫
二字亦有誤 按據下文此句係劉禹錫之語今

考全唐文_{六百}禹錫牛頭山新塔銘顧作頓是也
惟良上人 黃帝有外臣一行 張氏鑑云黃當作

皇

碑記

吳季子銘 碑目無此四字此條附於上文季札廟

碑注抄本與紀勝同 許氏瀚云抄本分爲二碑一據九

域志一據集古錄收入也此本亦校者併之○碑

久堙埋 碑目堙作湮抄本久 ○元宗命殷仲容

模搨 碑目搨作榻抄本 作搨

梁太祖文皇帝神道碑 在丹徒縣之三城港文帝

陵下 抄本碑目港作巷誤○鎮江志云 抄本

碑目云作去誤○而不知其爲梁武帝之父追尊

之號亦同耶 碑目無耶字

唐蔣防鹿跑泉銘 宋戴顓嘗居於此後以宅爲寺

有張祜畱題詩 抄本碑目祜作裕誤

唐忠烈公新廟記 抄本碑目記作紀誤

唐戴叔倫神道碑 在金壇縣南三里 抄本碑目

三作一○梁肅爲神道碑 碑目作梁肅爲文抄本

與紀勝同

瘞鶴銘 往往祇得其數字云鶴壽不知其幾而已

碑目幾作紀抄本 許氏瀚云此本紀字似刻

刻雖與碑合恐非此書本真○按潤州圖經以爲

王羲之書 碑目以作云誤抄本 作以

岑植德政碑 碑以景龍二年立 碑目無碑以二

字抄本

太清宮鐘銘 集古錄云唐馮宿撰 抄本碑目宿作叔誤

下泊宮記 元和中薛華修以為宮 碑目華作萃

按以舊唐書憲宗紀考之薛萃為潤州刺史正元和中事作萃者是也○以元和九年立記 碑

目無以字抄本

練湖碑 南唐時立 碑目作立南唐時抄本與純勝同

唐潤州圖經 唐孫處元所作也 碑目無所字也字抄本

舊記 唐山謙之劉損之孫處元皆作無唐

字抄本

潤州集 曾改序 抄本碑目序作牧誤

古詩

恨望南徐登北固迢遙西塞下東關 張氏鑑云恨

當作悵

覆島兼葭雲含窗橘柚煙 張氏鑑云兼當作蒹雲

當作雪

本朝人詩

史君應此凭欄竿 張氏鑑云史字竿字乃使字干

字之誤

倏忽遍三吳司馬

按司馬下脫人名

金山寺詩

樹影中流見鐘聲兩岸間

唐詩紀事張裕

張氏鑑云裕乃

祐之誤

寶勢中流起香園此布金

張氏鑑云勢疑刹之誤

日月髣髴躡西東郭

按據方輿勝覽此句係郭功

父之詩功父係祥正之字此處祥下脫去正字

萬古波心月

張氏鑑云首句月字似誤

按此詩

係五律第三句云天多剩得月此句不應又有口

字方輿勝覽月作寺是也○櫓過妨僧夢驚濤濺

佛身 按方輿勝覽驚濤作濤驚與櫓過相對當

從之

四六

吳頭巨鎮京口名州

告詞

按告詞無人名俟考

卷八 嚴州

縣沿革

淳安縣 通鑑吳大帝建安十三年使賀齊平黠歙

縣賊權乃分其地為新都郡 按據三國志及通

鑑孫權使賀齊平黠歙賊雖係建安十三年之事

然建安非吳之年號且是時權尚未建國吳大帝
當作漢獻帝年下當補孫權二字

桐廬縣 寰宇記載者舊相傳云桐溪側有大猗桐

樹 張氏鑑云猗似當作椅 按寰宇記九十五正

作椅張說是也

風俗形勝

山峻二江合會之勢 張氏鑑云句疑有誤

錢聞詩懷水疏 張氏鑑云懷乃禳之誤

劉文富重修序曰 按下文碑記新定志注云淳熙

中太守陳公亮重修劉文富序此句重修下當補

志字

趙抃學進士記 張氏鑑云進士下當有題名二字

山環翠而繚繞溪練素以縈紆嚴州大體 張氏鑑云體

字疑誤

景物上

桐溪 寰宇記本桐廬縣 張氏鑑云本乃在之誤

景物下

清芬閣 有泉皆瀨石無地不生雲 張氏鑑云瀨

當作漱

千峰榭 范文正公重建 一統志一百八十四作宋范

仲淹重建方干詩窗中早月當琴榻墻上秋山入酒杯

馬目山 亦名□□山上有廟 張氏鑑云宋本原空二字

桐君山 結廬桐本下人問其姓指木示之 按方與勝覽卷五本作木是也

古跡

吳孫韶得大鼎 按此條及上文景物上寶鼎條注皆引寰宇記而詳略微異蓋一事而重出者也

伍胥祠 在□□縣東南七十五里 張氏鑑云宋

本原空二字

官吏

孫韶 吳以封韶為建德侯 張氏鑑云封當作孫伏暉 張氏鑑云暉字有筆誤 按據梁書及南史暉乃暉之誤

唐宋璟 盧懷謹亦為相 按本當作懷慎此作懷謹者避孝宗諱後凡改盧懷慎為盧懷謹者仿此林牧 會昌中為池州刺史移鎮睦州 按以新舊唐書杜牧傳所言歷官次第核之此處所言林牧乃杜牧之誤

田錫 按自錫以下皆宋人田上當有國朝二字○
通義志載雍熙二年錫知睦州 張氏鑑云通義
志疑有誤

趙抃 至今人稱 張氏鑑云稱下疑有脫字
文章太守 率多賦並見於董彛序 張氏鑑云賦
下有脫字

趙岌 与子崗同年登科 張氏鑑云与當作與後
凡作与者皆同

人物

嚴子陵 按嚴上當補漢字

宋戴顒 與父達兄敦 按據宋書南史戴顒傳敦
當作勃敦字雖與敦同然究以勃字爲正也

皇甫湜 與李宗閔牛僧孺俱爲第一 按以舊唐
書裴均傳考之第一當作上第

胡寅 先寅父安國以書訓寅曰 張氏鑑云先下
疑脫是字

朱夢說 乃貽書于炳不諫 張氏鑑云于字疑譌
字責字之誤

仙釋

施真人 今其告標曰施真人 張氏鑑云標當是

標宋刻木旁才旁往往混用○後乘仙去 張氏鑑云乘當作成

碑記

睦州大廳記 皇朝刁衍撰 碑目衍作術抄本 作衍

浙東觀察判官廳壁記 碑目浙作淞抄本 作浙

嚴陵志 紹興間董弁編并序 碑目并作並抄本 作并

嚴州詩

江水至深清見底 文選沈 洞徹隨深淺皎鏡無冬春 休文詩

文選沈 約詩 按以文選考之深清作清淺深蓋江水

至清淺深見底二語即洞徹二句之詩題紀勝所

引未免前後錯互

千仞寫喬木百丈見游鱗 沈約詩 按據文選此二句

即洞徹二句之下文紀勝分爲二處前稱文選此

不稱文選亦屬失檢

江山不如勝光武肯教來 張氏鑑云不如似當作如不

温庭均桐廬舊居 按本當作庭筠此作庭均者避理宗嫌名後凡改温庭筠爲温庭均者仿此

釣臺詩

鮮釣鱸魚有幾人 許渾詩 張氏鑑云鮮當作解 按

方輿勝覽引許渾詩正作解張說是也

温庭均詩 張氏鑑云廟諱避勻字因亦避筠字

按理宗諱昉故當時凡涉勻字者多避非諱勻字

也紀勝成於理宗時故叙筠州改瑞州之事以為

避御名是其明證張氏言避廟諱失之矣

世主本無天下量嚴陵那得釣魚磯 張氏鑑云世

主當作世祖

四六

張欽夫嚴州到任謝表 按張栻字敬夫此作欽夫

者避翼祖諱凡改張敬夫為張欽夫者仿此

卷九 江陰軍

軍沿革

唐宋以揚行密所有 張氏鑑云揚當作楊 按宋

當作末為

風俗形勝

北淮海船 張氏鑑云北淮疑有誤

景物上

啟山 後訛而為啟山 一統志四十作後訛為啟

上有善利泉

暨陽 命將軍劉遵等 按據通鑑遵下當補考字

景物下

綠均堂 張氏鑑云此均字亦當作筠

雙檜堂 在設廳後 一統志設作射

九里山 又有油理山龍王廟 按上文云又名由

里山又云亦名由里山此句油理二字乃由里之

誤

採香徑 吳遣美人採香于此因名香山故有——

——一統志吳下有王字無香山二字故作上

馬鞍山 季札遜耕於此 按據上文此句係郡國

志之語寰宇記九——引郡國志遜作讓位是也紀

勝避濮安懿王之諱改讓為遜又脫去位字耳

白鹿山 縣東五十里 一統志縣上有在字里上

有五字○昔吳王出獵 一統志昔作相傳○得

——因名之 一統志因名之作於此

古迹

西舜城 今二鄉有舜井馮唐疑舜生於此 張氏

鑑云馮唐句疑有誤

延陵季子祠 按史記太伯世家注云季子冢在旣

陽西 按據上文此二句係寰宇記之語今考史

記注云延陵季子冢在毗陵縣暨陽鄉則旣陽當

作暨陽紀勝蓋沿寰宇記之舊而未改耳

郭璞母墓 申港入里許 一統志申上有今去二字

蕭天子墓 素號倉堆 一統志倉作蒼

官吏

庾懌 按庾上當有晉字

沈文阿 按沈上當有梁字

倪啟 按倪上當有陳字

唐趙和 按上李嘉祐上已有唐字此句唐字當刪

馮元 按自元以下皆宋人馮上當有國朝二字

人物

春申君黃歇 按春上當有楚字

郭璞 按郭上當有晉字○晉時曾僑置洪農郡

按本係宏農郡此作洪農郡者避宣祖諱後凡改

宏農郡為洪農郡者仿此○併撰爾雅三卷 按

爾雅下當補注字

吳欣之 按欣之劉宋時人吳上當有宋字

蔡襄 按自襄以下皆宋人蔡上當有國朝二字

葛密 退居青陽之上湖 按下文仙釋許青陽注

云宅在青陽市青陽所居之地也據此則青陽下

似當補市字

蔣氏 按蔣氏係宋人蔣上當有皇朝二字

仙釋

聖英祠 寰宇記云在縣西一百步按劉遴之伸異

錄云 按寰宇記伸作神是也○子英畏佈之

按寰宇記佈作怖是也

碑記

季子墓銘 烏乎有吳延陵季子之墓 抄本碑目

烏乎作嗚呼○按歐陽公集古錄云———相

傳以為孔子所書張從紳記云舊石湮滅開元中

元宗命殷仲容模搭其書以傳然則開元之前已

有本矣 張氏鑑云搭字有誤 碑目無按歐以

下五十四字 抄本有搭作搨 車氏持謙云此碑已見前

鎮江府 許氏瀚云其缺者即季子墓銘四字也

此本以已見鎮江而刪之謬甚須補之 按抄本

碑目搭作搨是也 又按上文古跡門有季子墓

人物門亦有延陵季子則碑記門自應有季子墓

銘許說是也

崇聖院銅鐘銘 唐太子宏冀所置 按唐上當補

南字

季子神賽兩紀石文 碑目兩作雨是也 張搗書

抄本碑目搗作偽誤

釣臺寺石幢 由里山之東堂 碑目山下有釣臺

寺三字抄本無

武烈大帝廟碑 有顧雲為銘 碑目無為字抄本有

招隱院鐘樓記 今在悟空院 碑目院作寺

詩

海外珠犀常入寺人間魚蟹不論錢王荆公酬朱昌之詩 按

上文有朱昌叔寄王荆公憶江陰詩方輿勝覽引

此詩亦作朱昌叔此條之字乃叔字之誤

生死不欺畱劍約興工都在審音知 張氏鑑云工

當作亡

劉樞詩 張氏鑑云樞字疑誤 按方輿勝覽卷五樞

作握

四六

裂地雖微去天為近 按此二句下未注題目俟考

以上兩浙西路卷一行在所至卷九江陰軍

